

佛說大乘菩薩藏正法經卷第一

第二 同卷

如

宋西天三藏朝散大夫試院祿御傳梵大師法護等奉詔譯

長者賢護品第一之一

如是我聞一時世尊在舍衛國坐夏安居滿三月已出行訪其裁製成辦衣服之者與大苾芻衆千二百五十人俱并餘苾芻苾芻尼優婆塞優婆夷國王大臣沙門婆羅門長者及諸外道乃至天龍夜叉乾闥婆阿修羅迦樓羅緊那羅摩睺羅伽等於佛世尊尊重恭敬志誠供養世尊受世供利與世福田所謂

飲食衣服坐卧之具病緣醫藥及餘廣多受用等物以佛世尊名稱善譽殊勝高顯超出世間如來應供正等正覺明行足善逝世間解無上士調御丈夫天人師佛世尊十號具足於天人阿修羅沙門婆羅門若魔若梵一切世間大衆之中以自通力而證聖果隨所遊止宣說正法初善中善後善文義深遠純一無雜圓滿清白梵行之相爾時世尊徐緩而至摩伽陀國次第經行至王舍大城到已止於鷲峯山中是時王舍城中有一長者其

名賢護宿植善本於先佛所廣作佛事具大財富廣多主宰受用之物積以金銀財穀庫藏增集摩尼真珠碑礪珊瑚吠瑠璃等及諸象馬牛羊奴婢侍從并營作人時賢護長者聞沙門瞿曇從王宮出淨信出家與大苾芻衆千二百五十人俱經遊摩伽陀國次第至於王舍大城止其鶯峯山中而彼沙門瞿曇具足廣大色相功德名稱善譽超出世間成正覺果如來應供正等正覺明行足善逝世間解無上士調御丈夫天人師佛世尊隨其

所應宣說正法初善中善後善文義深遠純一無雜圓滿清白梵行之相長者即作是念我今宜應詣彼沙門瞿曇之所親近瞻禮彼佛如來應供正等正覺色相功德斯爲甚善時賢護長者作是念已即與五百長者俱出王舍大城詣佛瞻禮爾時世尊日初分時著衣持鉢與苾芻衆恭信圍繞入王舍大城次第乞食而佛世尊威儀嚴肅履步調寂清淨光明普照世間進止屈伸端直清淨時賢護等五百長者遙見世尊徐徐而來威容相好

清淨端嚴諸根調柔意念寂靜勝善調伏如
大龍王復類泉流清淨無染有無數天人大
衆導從圍繞身相巍巍猶紫金色三十二相
八十種好莊嚴具足天雨衆花廣大殊妙其
所雨花周徧稠密復有千俱胝葉七寶蓮花
隨足而蹈世尊具是無數百千威儀功德自
遠而來時諸長者於其路左如是見已於佛
世尊深生淨信以清淨心前詣佛所到佛所
已頭面禮足肅躬恭信住立佛前時賢護等
五百長者俱白佛言世尊瞿曇於大衆中相

好增勝世尊瞿曇於大衆中威德增勝世尊
於大衆中名稱增勝世尊瞿曇於大衆中光
明增勝世尊瞿曇真金色相最上增勝世尊
身相如古金仙世尊身相妙無等等世尊諸
相具希有法世尊瞿曇一切世間無與等者
我見世尊具足如是威相功德以何緣故捨
如一
家出家爾時賢護長者即以偈詞而伸讚歎
如我昔聞佛世尊 名稱吉祥及威德
最上妙相我今觀 殊勝光明具如是
清淨妙好真金相 金色高勝衆所觀

離塵無染處衆中
我昔歸命人中尊
猶天妙蓋頂相嚴
頂骨首髮軟復滑
頸相猶如孔雀王
額廣平正復潔白
眉間毫相淨復明
兩目善妙喜愛相
諦觀不起歎足心
我觀人中尊鼻相
如衆星中妙月現
如須彌山極高勝
周徧次第而普覆
同彼帝青妙色相
右旋宛轉而柔軟
雙眉猶如帝釋弓
如星中王善照曜
觀者咸生歡悅意
頂禮世尊清淨目
隆高脩直如金山

唇如琥珀類頻婆
齒相明淨復潔白
堅牢清淨密復齊
大小諸齒容不厚
猶如鶴王處鶴群
面如初日淨光煥
舌相淨妙而廣長
我於天人梵世中
耳輪猶如師子王
善納衆味淨光明
清淨復如淨珠寶
如乳如藕及如鴨
隨所動轉而善愛
四牙鋒利而無垢
光瑩清潔白中白
青優鉢羅及銅色
徧覆面門悉清淨
未嘗見佛妙相好
具師子相善無畏

正直頸項無曲邪
容儀敦肅而殊妙
最勝吉祥人中尊
七處平滿其所謂
一頸平滿七處同
雙臂修直腹臍圓
無高無下二臂同
上半身如師子王
猶那羅延不壞身
身毛上靡而柔軟
彼一毛皆右旋
常得味中之上味
七處平滿世所聞
如日光明現峯頂
二手足心及二肩
圓具清淨而明煥
其猶龍王妙清淨
四
雙垂二臂立過膝
如尼拘陀身圓滿

塵網不染淨妙身
譬彼蓮花不著水
陰藏隱覆而復密
雙脣其猶軟草同
足跟平滿趺相稱
猶如調善妙馬王
復如魏王指纖長
雙脣次第而安住
手指纖長赤銅甲
手足皆具網鞔相
足下圓具千輻輪
手足數周二十指
諸指柔毛而下覆
履步平滿無高下
手足數周二十指
世間最勝妙相圓
按地寶蓮隨足踏
世尊行步大無畏
如師子王無高下

不遷不遠處中平 遊戲自在無恐畏
諸天雨衆微妙花 空中競奏妙音樂
非人供養啓恭虔 此佛神通希有相
色超越毗沙門^{如一} 威光勝踰百千日
天人魔梵諸衆中 悉無如是勝功德^五
今我內心起疑念 佛具最上神通力
復見何等功德門 故佛出家成聖果

爾時世尊告賢護等諸長者言諸長者我見
十種諸燒亂法世間合集斯苦甚大何等爲
十一者生爲燒亂二者老爲燒亂三者病爲
燒亂四者死爲燒亂五者憂爲燒亂六者悲
爲燒亂七者苦爲燒亂八者煩惱爲燒亂九
者愁歎爲燒亂十者輪迴爲燒亂如是十種
諸燒亂法世間合集我見是已是故我乃淨信
出家趣證阿耨多羅三藐三菩提果爾時世
尊欲重宣此義而說偈言

諸愚夫異生 輪迴網羈絆 生燒亂愁歎
老病旋逼逐 憂悲故苦惱 死法來吞食
若救度出離 解脫三有網
復次長者瞋之一法互相損害世間合集斯

苦甚大損害有十何等爲十一者以我心故
過去已作諸損害事二者生起思念現在今
作諸損害事三者生起思念未來當作諸損
害事四者我所愛者生起思念而已作諸
損害事五者我所愛者生起思念而不念作
諸損害事六者我所愛者生起思念而不當
作諸損害事七者非我愛者生起思念過去
已作諸損害事八者非我愛者生起思念現
在今作諸損害事九者非我愛者生起思念
未來當作諸損害事十者生起思念作無義

利損害過失如是十種諸損害事世間合集
我見是已爲今離彼諸損害故是故我乃淨
信出家趣證阿耨多羅三藐三菩提果爾時
世尊重說偈言

衆生瞋最大 各各互相害 已現當損害
成十損害事 愛者不生害 已作及當作
現作亦復然 不成損害法 於我非友愛
作諸損害事 已現當亦然 生損害罪業
并無義過失 十損害纏縛 我見損害法
乃淨信出家

復次長者種種見中諸險惡見世間合集斯苦甚大險惡見者有其十種何等爲十一者於我見中起險惡見二者衆生見中起險惡見三者壽者見中起險惡見四者於人見中起險惡見五者於斷見中起險惡見六者於常見中起險惡見七者無作見中起險惡見八者無因見中起險惡見九者不平等見中起險惡見十者於邪見中起險惡見如是十種諸險惡見我見是已爲欲普令破諸見故是故我乃淨信出家趣證阿耨多羅三藐三

菩提果爾時世尊重說偈言

我人衆生見 壽者見亦然 諸愚夫異生
險惡見所覆 斷常及無作 邪無因不平
令安立正見 是故我出家 我於阿僧祇
那庾多百千 俱胝劫數中 爲衆生利樂

復次長者有大病箭世間合集斯苦甚大病箭者有其十種何等爲十一者愛箭二者無明箭三者欲箭四者貪箭五者瞋箭六者癡箭七者慢箭八者見箭九者成箭十者壞箭如是十種諸大病箭我欲普令悉得拔除

是故我乃淨信出家趣證阿耨多羅三藐三

菩提果爾時世尊重說偈言

愛箭故貪積 無智故暗冥 無明癡暗覆

旋趣於陀蘊 欲箭隨射激 貪箭故吞食

瞋箭起昏迷 癡箭都所覆 見箭起違背

慢成壞亦然 諸愚夫異生 乃互相毀訾

此妄此真實 互相興違諍 破世間病箭

唯佛無生法 世間諸衆生 常爲箭所射

爲救護拔除 悉令離諸苦

佛說大乘菩薩藏正法經卷第一

佛說大乘菩薩藏正法經卷第二

宋西天三藏胡散大夫試光標御傳梵大師法護等奉詔譯

長者賢護品第一之二

復次長者愛等諸法建立根本世間合集斯
苦甚大愛根本法有其十種何等爲十一者
以愛緣故而起追求二者追求緣故乃生會
著三者以貪緣故而興我見四者我見緣故
計爲決定五者法定緣故乃生欲貪六者欲
貪緣故即起計著七者計著緣故而生慳惜
八者慳惜緣故而爲執取九者執取緣故即